



الفهرس

0	السلسال
9	أمرأة عاشقة
ΓΙ	سوالف فاطهة
Г9	فرصة الأحلام,
hh	أسها نورة
Ψ٧	ودي أهرب
٤١	عشق عاري
03	ما هوب غرور
P3	لا تهدد بالرحيل
0H	رقمہ جوالك
0V	يا رجل
71	خكرت أمي
70	تعال
	المالية







V 0	ج الجنوب
V9	بوي
۸۲	
	ي من
	الدينيا
	 ا بنت الغدرا
	برض النسا
	، ـ پية
	 منذالضان

_ خالد القصيد..فاطمة



















أناماكنت أنااحيك. أناكنت أعشقك واختال أناكنت اشربكو اضماكو ارجعاشرب ادلالك أنا كنت بزوايا الكون اشوفك عالم الآمال و اشوفك كل هالدنيا بعيني أنت بالحالك تذكر يوم نتخيل كبرنا و صار عندي عيال و قلت آسمًى ابإسمك إذا ماكانوا عيالك تذكر يوم كان العمر يغنينا فرح موال وادوزن خطوتي ابسكه توصّلني على جالك هناك المدرسه و السور و بيت محمد الرحال جدار و بيدك الفحمه تكتّب به و يحلالك بأخر هذى اللفه بقالة مطلق البتال و دايم منّها ناخذ حلاوة تشبة هبالك تجنن وانت تاكلها وتعطى منها الجهال وتحكى هذي من «فطوم» جابتها وانا قبالك



كبرنا وصارت وعودك مابين العم و الاخوال

ودايم حجتي حصه لانها بس مَرَة خالك تهندم لي على كيفي . . و تلبس لي شُمغ و عقال

و اموت ان شفت من زولك طرف هالثوب و عقالك و يوم اللي خطبني زيد غرت و صار حالك حال

وقلت الليله الليله انا مهلوك او هالك لعينك اركب امواج الخطر مااسأل عن الاهوال

بعد هذا تقابلنا و جيت ابْيدّك السلسال

تلفه فوق عنقي لف كأنك توثق حبالك تقولي لا حضر موتي امانه اقطعي بالحال

شهقت وقلت من قلبي فال الله و لا فالك سألتك ليه يا روحي بوجهك باين الغربال

ترى الاحزان ياعمري ماخِلْقت لكّ و امثالك

 Ψ





و جاوب هالدمع عنك بعد شفته بخدك سال

عرفت انك نويت البعد عازم فيه ترحالك صبرت و قلت ابى اصبر و لو هذا البعد قتال

سنين ارتب آمالي .. و ازينها بآمالك بعد خمسه سنين ترد .. و المح في يديك اطفال

و أسأل . منهم اطفاله . . ؟ يقولو الي هم اطفالك كأنه شئ يكسرني ، يحطمني ، كذا و لازال

كأنه شئ ينحرني و يرميني على رمالك تبسم و انت تسألني: كيفك؟ هاه؟ عال العال؟

الين اليوم مهبوله ؟ و لسه عايشه اخبالك ؟ و جاوبتك و انا همي على كتفي يهد جبال

انا ما كنت اظن بيوم تركن فوقي اجبالك إذا كان الوفي مهبول ..! ألا يا لعنة العقال

امااانه لا تكثرها .. و بيدك شد سلسالك

 \bigoplus









9

خالد القصيد..فاطمة



سار الحب إلى الأسماء غير تاريخ الأشياء فضح في عيناي التوق أسلمني حباً بذوق من قال بأن الحب ضرب خيال جدُ .. غباء فأنا امرأة عاشقةٌ .. يقتلني الحب و يحييني بالورد دوما يرميني قد أدماني ..

من شهد الشفتان العشق!!

قد أسقاني



قد بعثرني
قد لونني
قد أشعلني
دون الحرق!!
يا رجلاً يخطفني دوماً
من أعماقي
يخرجني من لون الطهر
يضحبني
يسحبني

من أكسوجيني يسكنني .. روحاً

يحميني ..!!

أني أحبك ..

حجم الأرضِ





عرض سمائي مع تكويني يا رجلاً .. فجّر بركاناً في وجداني اشعلني من دون لهيبٍ أو حرمانِ أوقدني و الضوء الساطع في اركاني أني أشتاق لحديث.. صاف ك الماء و ك الجدول كالبلبل يشدو إلحانًا ك براءة طفل لن يكبر!!

يااااااه ...

يا رجل حياتي و حبيبي يا أول حبي و نصيبي بعثرني كـ الورق الأبيض و أسكنني حبراً بالأبيض !! نمتزج كـ غيم و خيالاً فنذوب

ن

ذ

و

ب

أو نغرق

•

:





و أنا في العمق مسافرةً لا شئ يحد بأحلامي أسبح في الحلم ك أمنية و الواقع أجمل أيامي عانقني حباً .. و أسكرني فأنا في العشق أمراه هائمة حد الهذيان ناعمة حد الأزهار جامحةٌ مثل البركان لطخني بالطيف و لوّن دنياي .. بأجمل الواني و ارسمني .. في دفتر عمرك " جيوكاندا "كل الأزماني ملحمتي مطرأ





من مطرٍ
كعواصف حبٍ و حناني!!
يا من يفهم صمتي دوماً
و الصمت الفادح أعياني
كلماتي من صمتي كثيرة
ك الزهر في اشهر نيسانِ
من يكتب شعراً يشبهني ؟!
كالبحر
ك ذكرى الأشجاني

ك العطر

ك قمرٍ لم يفهم !! ((أهديت الشعر و أهداني)) فتش في الدنيا عن أنثى تهواك لحد الادمان







أو عن أنثى تعشق رجلاً مثلي جنوني في الأوطان يسحرني سحرك يا رجلاً يسعدني إن هو أشقاني !! يبكيني ..فرحاً يخنقني يسلبني عقلي في ثواني !! يربكني حباً و هياماً و العشق الجامح أعطاني يا رجلاً ينفجر حناناً يا وطني و دنيا أحلامي خبأني يا كل الدنيا يا من في حبه أرداني وجعلني بعده تائهة





 \bigoplus

أضيع أضيع و يلقاني أو أني إلقاء " فاطمةً " تنام في قر ألاعياني

قبلاتك ..

تجعلني حريقاً

التهب كأني نيران

أحذر في حبك قادمةً

من بعدي يأتي الطوفان كـ عواصف بحراً هائجة

هدوء

هدوء

الثوران!!







یا رجل حیاتی و حبیبی يا أول حبى و نصيبي يداك .. حريراً.. و حريراً لفهما حولي و أنساني و جسدك ديباجاً أزرق و حديثك مطراً و أغاني هل في الدنيا من أمراه تعشق رجلاً بمثل جنوني ؟ أخطفك من كل العالم و أغير و أنت بجفوني!! لا حزناً يقتل إلا حزنك





18

لا فرحاً يسعد الا فرحك فأنترني هيا و اجمعني رتبني قمراً و أماني و أشعلني شمعاً من كسف . . في ليل يعزف الحاني اقرأ في أشعار نزار بل داعب شعري و أقراني أهمس في ثغرك!!

و تقول بأنك تهواني















المباني في هذاك الحي هي نفس المباني والحمام اللي على خبرى بعد نفس الحمام مدري وش ودا رجولي يم بيتي الأولاني بي حنينٌ وضوء ذكري كامنةٌ تحت الركام آه يا باصك يا روضة كان يوقف في مكاني كان يضرب لي «هرن» في ساعة الستة تمام ال حلاوة في يديني وكن عصفور المحاني لابس المريول الأخضر رابط خلفه حزام اذكر اذكر من سوالف فاطمة واللي تعاني يوم ما تغمض عيوني والله إنها ما تلام تسأل أمى: وش بلاني؟ وأتأفف وش بلاني؟ يمه.. بسأل هي قطاوة حينا تعرف تنام؟ جنوني طوّل ليلي جيت أغمض ما مداني تضحك أمي ومن وراها ضحكت أختى ابتسام



يالله قومي.. واتدلع يمه ماني يمه ماني لين أشوف أبوي داخل.. وأعرف أبسمع كلام أمسك المعدة وألعن.. سندويشات اليماني وأحلف بربى ما أشري سندويشاته حرام الشقاوة بكل لحظة.. مطوعة كل ما عصاني والأماني ضحكة الطفلة وترتيل السلام أكبر همومي «عروسة» مهدها قمة حناني و ((عسكريم)) التوت عندي لاحصل غاية مرام كن أجراس المدارس تُفرد بركضى مواني والنوارس صف طلاب المدارس والعلام علمتنى مد يدي للخوّي لو ما عطاني علمتني ما أخون العيش لو خان اللئام وصت عيوني ما أنظر للغبى لو هو رماني ولا تكلم أي جاهل، قلت للجاهل: سلام..!

lacksquare





دست بصدري حنانًا والتجي عقلي لجناني لين من صيتي رقيت وصرت من فوق الغمام لو أخون اللي أحبه كان إبهامي عماني كان بيديني ذبحت القلب وأنهيت الغرام العدو لو هو احترمني .. شفته من جملة خواني وكم عدو صاريحلف. إني من نسل الكرام . . ! يطعن ظهري ولكن عند حاجاته. لقاني..! مشرعةً كفين أخته.. منصتةً له باهتمام اللسان ولا تكلم ما نسى .. إنه حصاني وأعرف أرتب مقالى لين يضبط ع المقام ذيك الأيام احتوتني بالدقيقة والثواني..! علمتني درس قلبي ما خذه جد وعمام..! يا الحنين اللي نثرني ويا الحنين اللي ملاني في عروقي تجري طفلة عمرها ما زاد عام

(1)

حالفه لي ما بتكبر لو بياض الشيب جاني

لو غزاني شيب شعري.. طفلة هي عالدوام

يوم رميت «النخيل» وقام «خزانه» بكاني

شفتها بين المباني.. مغرمةً فيها هيام..!

أسألتني: وينك إنتي؟ قلت: موجودة وكاني

حطت إيديها.. بيدي وأدفعتني للأمام!

شفت بين الخالة حصة.. شفت مرجيحة تهاني

وأدمعت عيني الصغيرة.. يوم أرخيت اللثام

كل «داعوس» تلوي في صدري ثم كواني..

منظر البيت الكبير.. وبعض أركانه حطام!

قمت أناظر من دريشة غرفتي.. سقف كساني

وألمح الحوش المكس.. وين ذاك الانتظام؟

صوت «جدي»مع أذان الظهر يصرخ في آذاني:

ماشبعتي لعب. ياالله (للصلاة) أنتي وحسام!!



25

ذا «حسام» وتعرفونه ذاك هو اللي بلاني بقصة السلسال.. يا الله تقلعه ذاك الغلام بعد ما أجرم بحبى وبالخيانة صار جاني! اتهمني بالخيانة والجمل ما أدرك سنام! قمت أتمتم لا صغيرة.. الزمن ما هو زماني كل ما أكبر دقيقة يسقط بدربي «عظام»! لیت من نادی الجماعة «یکبروا» راح و نسانی ليتنى طفلة صغيرة.. ما تعديت الفطام..! ليت سارة مع حليمة يرجعوا.. كل الغواني تركض ونلعب كراسي .. ونتغبى عن رهام ذيك الأيام القديمة أكبر وهي.. اتحداني! لين صارت في عروقي طفلةً ترقض تضام ذيك الأيام الجميلة شي ثاني شي ثاني! كان ضحكتنا حصانًا.. وكان بيديها اللجام



كانت الأوقات غنوة والزمن لحن الأغاني والقلوب البيض واااجد والتراحم والوئام



27

خالد القصيد..فاطمة















غفى هذا النهار العذب و شرع فرصة الاحلام و انا اللي حالفه ما ابي اشو فك حتى بحلامي احاربنشوة نعاسى بكاسة شاهى اصوت انغام دفاتر شعر / شبابیك تصور شارع اوهامي و اشوفك بآخر الشارع مثل طيف كسته اوهام بسرعه اسدل ستارة حنيني و اطلق اقدامي ابهرب! وين بهرب وانت قيدك يجرح الاقدام؟! ابرجع! وين برجع لك و انا ما ابيك بيامي! رسمت الجرح في قلبي و نزفت منه الألام ..!! و ضمدته بصورة لك مع ذكري من اعوامي! رميت العطر . . ذاك اللي تحبه كنت ع الأكمام و كسرت مرايتي لأني اشوفك فيها قدامي ..! بكيت و بين يديني عقالك / غترتك / و اقلام و في احضاني لك اشياء كثيره تنوي اعدامي

 \bigoplus

ترى من يوم زعلتك .. حزينه صارت الايام ..!
يكسّر خاطري صبحك و ينثر ليلك حطامي
احبك كثر ما احبك و لو انك حكمت اعدام
انا يكفي على قلبك بصمت ابصمة ابهامي !!
ابد لا تفكر ان قلبي في بعدك مستريح ينام ...!
حلفت اصحى الين ايديك تدفى بارد عظامى









32







33

_خالد القصيد..فاطمة

ینادی بالخطأ نوره و انا ادری فیه یعشقها واسوي نفسي ماأسمع واقول المغنى حضوره ويحلف لي على المصحف بأن الصوره شققها و أنا شفته بجيب البوك هناك يخبى الصوره من الماضي رسايلها إلين اليوم ما احرقها هدایاها/ دفاترها/ عطرها/ ذکری ممطوره انااسأل نفسى ابنفسى . . يحبها . . ؟ ليه طلقها؟ يخليني فبابه ليه و هيه.. تسكن قصوره كفايه كل ما ينطق بإسمى راح ينطقها كفاية كل ما نادى ب: سمها جيت مكسوره كفايه من العمر أجمل سنيني صار يسرقها كفايه جالس ابجنبي خيال به : دنيا محظوره تحبه روحی بقوه و اشوف انه يغرقها إلى منى صرخت اليوم أنا يا نفس معذوره

Ψ



يغربني عن الدنيا و همه دوم مشرقها و أنا اللي بالغرام أفخر و أشوفن فيه مغروره أخاف إن صدت وراحت يموت إن غاب بارقها و أخاف إن ظلت ابدنياه أعيش العمر مقهوره كفايه يوم جبت البنت وقالوا: روح و ثقها حلفت إن كان لي خاطر يسمي اسمها نوره













igoplus

ودي أهرب ما أبيني من كثر ما «أكرهني فيني» ودي أهرب ما أبيني..! واأترك لذاتي فراغًا من جسد ما حس فيني تجلده كل المعاني «والحزن طيف أناني» قلت: بهرب

مرة من عينه لعيني «غمض عيونه ونساني»

لين صارت من ملامح رسمي دمعة

تسقي عروق الثواني

سااالت على خد الزمان اللي عن الفرحة رماني..!

وأنا ما أقدر والله ما أقدر



الحزن فيني يتعمق ويكبر يضرب إيدينه بوجهي لين ما وجهي «ت ك س ر» يرتمي فوقي عذاااب كل ما أطفي عيوني عنه صار أكبر أركض ويلحق وراي

حتى يوم قررت موتي «صار من هالموت يظهر»

«الحزن طيف أناني»

كافر برحمة زماني

قادر يقطع عروقي ويستبيح بسفك دمي والأماني

وين أبهرب..؟!

وأنا كل ما مديت كفي اليديني ارتفع سور الفراق بيني وبيني

39

خالد القصيد..فاطمة



كيف أبهرب..؟!
والجسد سجني وسجاني
وهمه يحتويني
وأنا همي
«أعلق بأطراف روحي»
لين ما وجهي يعانق وجه غيم ويرتويني
وارتوى منه وتعشّب













يشع النور من عين الظلام ويطلق العصفور صباح الورد يارياض الرياض ودفتر أشعاري صباح مكعب السكر بفنجانك .. صباح النور صباح اجمل قصيدة حب تمايل حولها أنهاري يفل الغيم جنحانه على صدر السماء مبهور يلامس سدرة الجنه .. وأحسه وسط داري لأن الدور من شوف الحيايب شكلها ممطور وكن بشوفهم جنات . . تسلق فوقها أزهاري أحس إن المطر قصة .. ترتلها بنات الحور وأنا منهم . . تعااال أسمع تراتيلي وأمطاري يدق القلب قضبان الضلوع ويتركه مشطور ويظهر من عُهر صدقة . علشانك عشق عارى يطيّر لك فراشات الوله .. من بالى المخمور و من حانات إحساسي يدوزن رعشة او تاري!



يغني لك معَ زرياب ويفضح بي وجع مستور یشابه بارد غیابك لقام .. یعری بأشجاری حنيني واصلن حده وباني في مداي قصور ومن زود العشق يبني بروج ويطلق أسراري إذا باريس تلبس لك فساتين وترش عطور أنا باريس تلبسني عشان بحسنها .. اتماري أنا يكفيني يوم أنك بـ «كان « ولفك الديجور جلست اتقلب ابطرفك تدوروينها أقماري..! حبيبي والزمن لحظه ولحظات الغياب قبور عليك الله ياكل الحب . . لاينهي البعد مشو اري کثر مارحت عنی و غبت شهو رتحتضنها شهو ر أبيك أتظل في حضني . . وأبي أقهر بك أقداري

 Ψ

أبي كل المساء صبحك و أسر مدلك صبح مسرور أبي تبعثر نظام الوقت . . و تر بك صحوة أطياري

43



في كل لحظه بأغنى لك . . صباح بلمعة البلور . . ! يصير الليل من اسمك صباح . . ان مر لك طاري صباح التوست ياشفاتك وبمُربى القُبل طابور .! وحقيبة وتذكرة وأشياء أكثر من مدى أفكاري.! صباحات الشقاوة دوم وأحمر شفتي طبشور أبرسم لك على مرايا الشفاة . . و بالبس أسواري مادامك جيت بتُهندم و أجبّر خاطري المكسور وأبترك مرود حضورك . . يكحل فيني أنظاري يطير الفرح من عقله ويطلق سربه المأسور قبل تبدي عذر غيبتك . . أجيك و كلى أعذاري





44











يناظرني بطرف عينه يقول: الأخت مغروره ..؟

و اقول له مو هذاك الزودولكن. يعني / اشويه..!!

صحيح إن الله خالقني . . كذا حلوه و أموره . . ! !

و فيني من جمال الحور وصف منها و ماريه ..!! و صحيح إني إذا مريت مكان تحوشه الدوره

يدوخ / يطيح من حيله و يصبح عند رجليه لامرت أيدي فوق الثلج . . يذوب الثلج بالفوره

و يصبح من بروده نار .. كذا من لمسة ايديه و لا منه لمحنى الورد حقد هالورد بعطوره

يقول: شلون عطور الورد تمشى بهيئة أبنيه .. ؟! تصدق أصدر ابشكلى .. بيانه مجلس الشوره

و أجمع في بيانه بي «غزال بوسط محميه » ...!! يقول من الفضا بنشوف حد الصين مع سوره

و اقوله يا عطف ربي . . ما شافوالسه عينيه . . !!



إذا وقفت جنب السور وقاموا التقطوا الصوره

تصير الصين اسمها «طين» و أنا فطوم شعبيه ..!!

تنحى من الحكم و اذعن . . رئيسه و أمبر اطوره . .!!

عجايب ربي خالقها ... بعيني ذي مع ذيه ..!! يحلفني العسل ما اقرب هذاك الشهد ..مازوره

يقول انه حكي لساني منافس له بجديه ..!! ماهوبغرور حشى لله ولكن صدق ..عصفوره

إلي جنحان من حلمي .. على شوية رومنسيه أعشق العشق من صغري .. لذاأنتجت دستوره ..!!

ورتبت المبادئ به .. وفاء مع صافي النيه ..!! تبيني أختصر وصفي ... أنا و الله أسطوره ...!!

عروقي جامعه الثنتين . . عسيريه / قصيميه . . !! تصدق عاد شفت الأرض . . لقالوا وين أم نوره ؟

ايأشر رملها للغيم .. يقول : هنااااك مقصيه .





تصدق معجبه ابنفسي .. أنا و ابنفسي مبهوره أجل وشلون ألوم الناس لقالوا ما حدٍ زيه











49

ـخالد القصيد..فاطمة



هذا موج البحر و هناك المدى و هذي السفينه لا تهدد بالرحيل .. في وداع الله .. و أمانه ماني اللي لا رضت عن شي ... ترضي بالغبينه و ماني اللي لجلّ (قلبه) يرضي أسلوب الإهآنة.! هات قلبي قبل تبعد ... خلُّ حبى في يدينه!! كنت اظن انك أمين و أنتّ . ، مو قد الأمآنة . . كان قلبي لك مدينة ... و انت والى للمدينه و الفساد يعم ديرة .. من هو هاوي .. للخيانه يعنى قبل يعم قلبى هـ الفساد و يستهينه بنزعك من قلب قلبيٌ و ارجع ارتب مكانه ..!! قلت لك لا تشد روحي و تترك عيوني حزينه و اذكر انك قلت: كيفي «...حتى اناكيفي و شانه!

جهز فؤادك لطعنه من عقل بنت ذهينه ..!!

مدت ايديها.. بخنجر ما تهاب امن الادانه ..!!

كان تبغاها بطيبه .. الطّهر هذي يمينه ...!! و كان تبغاها لعانه .. أبشر « بأقشر لعانه ..!! قلت لي : الله يعينك .. شوف من ربي يعينـه لا غدا المظلوم ظالم .. و اطلق لحقده عنانه





51

خالد القصيد..فاطمة





52











وربيٌّ يوم اشوف الرقم يدق بشاشة الجوال احس الدنيا ترسلي السعادة برقم جوالك أمان الدنيا يسكني و اشوفه بأي حال و حال الى منى سمعت الصصُوت و قولك لى شآحو الك؟ حبيبي وسع الخاطر وريّح بالغرام البال مدام " الحالمه " تعشق عيونك ريّحه بالك .! أحبك كثر ما وبل المطر فوق الثرى همال أحبك كثر ماشفت الطفَل في قلبنا سالك أحبك كثر ما صدر السماء يلمع نجوم ليال أحبك كثر ما اتخيل ليالى عشق تحلالك أحبك كثر ماشاف البشر في هالزمان أهوال أحبك كثر ما قلبي خفق بالعششُق و اهوالك أحبك كثر ما يبنى شباب المملكه آمال كثر ما خابت الامال أحب و أعشق آمالك

①



54



أحبك كثر ما شعب العراق يغني الموال كثر ما تقول: أنا أحبك "غرامي عزف موالك أحبك كثر ما تشفق عقيم لشوفة الاطفال كثر ما تعشقك "أمك "كثر ما تعشق عيالك تسافر موجة الشاطي وترجع تسكن ابهالجال و اسافر وين ما اسافر مردي ارجع لجالك تخيل من كثر عشقى إذا تمشى بسطح رمال ورب الكون يطرى لى أنا أتيمم من رمالك و إذا توقف أحس الارض توقف دورة الاميال لأن الارض في مشيك تدور بخطوة اميالك فديتك من هنا لآخر تفاصيل التعب و الال فديته مبسمك / طولك /عيونك / رزة عقالك .! فديت حروف تنطقها .. تهبل أعقل العقال و صوتك يومك تسولف تثير جنون عقالك

 \bigoplus





أنا اكثر بنت محظوظه لاني عاشقة رجال خذت منه الرجوله قول / يوازي فزعة افعالك أجل وشلون ما تبغى .. افز لدقة الجوال وأنا و الله أمان الكون اشوفه برقم جوالك















لا و صل صوتك حزين يصير لي هم وقضيه

لعنبو حزن بصوتك لا انتثر بين الحنايا صار مالي عن مقاوم دمع عيني مقدريه

حيل لا سمعته حزين قلبي اتفجر شظايا..! حزن صوتك لا كساني ينقلب همّه عليه

ألبس الأسود ، . ويغمر هالحزن كل الزوايا ليت هالفرحه بيّدي . . حبلها ازمامه بيديّه

غير لأقرنها بعمري لك واقدمها هدايا وليت لي قدره وأخلى هالسعادة مبتديه

وانشلك من حزن صوتك لإبتسامات الروايا والله انه لو بيّدي ما أسأله هذا وذيه

الحزن للغير وانتَ كل فرح ً بك معايا

انتَ لو تبغى عيوني شفت لك عيني شويه

حتى لو تبغى حياتي خذها يا كـل البرايـا





يا بعد عمري تفضل خذني (هه) كلي هديه

من شعر راسي لساسي مع تفاصيل وبقايا ساطي حبك بقلبي ما انخلق بالكون زيه

لا تمثل به بمسرح . . ما انكتب سطر بحكايا! يار جل . . و شهى حياتي يوم جيت انت بعينيّه

جنة الفردوس تاخذ سحرها وبعض المزايا

منك الكون بعيوني بك تحوّر مزهريه

من تحت رجلي ورود وبالوَرِد تمطر سمايا والله بحقك قليلة لو أقدم روح فيه

والسعاده لو أقدم ما أظن انها كفايا

ذايبه روحي بحبك والله " ذابت بك بنيه

يا رجل حتى نظيرك ما هو زيك بالمرايا













 $\mathbf{\Psi}$

 \bigcirc

أنا ما ابككي على الدنيا و لا عن خيبة ظنوني .! و لا ودى أعبر لك ،. و أخيّب فينع ظنونك برغم إنك ضمن أشخاص ذبحتوني و بعتوني عسم الله لا يجيب أشخاص عقب موتى يبيعونك تصدق من بعد طعنتك ما عاد آمن على عيوني على قول المثل أحيان بتخطف يدك . . عيو نـك!! و لا تأمن بعد إنته ((ما دامه لف بي كوني . . و خانونی أعز الناس تری به يلف بك كونك أمانه نفسك و ذاتك و ناس من دونك و دوني و أنا حسبي تراه الله ،. و بقضي العمر من دونك أنا علمتك ابدنياك كثير دروس وفنوني و جازيت اللي علمتك بـ ((صفعة تثبت فنو نـك.! مًا قلت أمى و اخْوَانك تَناسوني تَناسَوني حَمَلْتُونِ ((لدَارَ العجْزْ . . عَسىعيالك لاينسونك!

(





تبي تسرع بخطواتك و أنا بمشى على هوني و يوم إنك بغيت تروح صرخ قلبي على هو نـك! أحس الدم مني راح و حيده و انخطف لوني واشو ف البسمه بعيونك ولون الفرح هو لونك ألا يا ليتكم يوم تركتوني تزوروني و بفرح حيل « لا قالوا عيالك جوايزورونك كثيره يعني بحقيٌ دقيقه لو تواسوني حرام عيالكم ينسون و اغراباً يواسونك مع هذا و كل هذا أقوول انتم حسدتوني .! عيالي ما هم عيالي على كل شيئ يحسدونك أنا ربيتهم و تعبت ما قلت إنهم بيشقوني و شفت أمى مكاني يوم قالت لى بيشقونك عرفت عيالي و شهو له بهذا المر جازوني .. ذكرت أمي و هي تبكي قالت لي بيجازونك

(















رفع وجه الصبح شعره..

عن عيوني وشفتك شمس..

تبي تنوّر عليّ كل يوم..

وانا اغرق بنورك همس..

واقول احب.. تقول : (الكاف)..

واحس اني مثل عصفور..

ترك عشّه وارضه عااف..

فرد جنحانه وحلّق..

على صدر الهوا الشفاف..

ياحبي اللي ماابغي من الدنيا ..

سوى مزونك!!

تعال وخذني ياغيمي مطر هتان لعيونك..

نبي نسقي الارض حب ونزرع بالورود القلب..

ونبني فوق هذا الكون.. جنون ماعرفه انسان..





ابي اكون لك لوحة وانت الفن والفنان..

ابي تتأمل عيوني وترسمني شعر والحان..

تغنيني . . وانا اغنيك . . وتتناسل حناجرنا هدير الماي . .

وبعض الوان.. تلون لي جدار القلب..

بنبرات الحكي والصوت..

تذوّق روحي كل لحظة من الضحكات نكهة توت!!

ابي نلعب مثل طفلين..

تحط صبعك على خدي..

تقول: اش ذا ؟!

واقولك تين.. ((خلقه الله علشانك))

((0) 3.112 (11) 3.12 //

وانا الياقوت واللؤلؤ ومرجانك..

حياتي معك مدينة عشق عرفناها بكل احساس..

رتبنا الامل فيها..





وحينا لشعبنا اعراس..!!

احبك كثر ما احبك..!!

ولا. ظني بعد اكثر..

واحس انك في احضاني . . وليدي . .

حتى لو تكبر..!!

في احشاء العمر نطفه قذفها الحب ..

كبرت وصرت لي انت وليد القلب ..!!

انا امك و انا اختك. حبيبة لك و معشوقة ..

صديقة دربك الاحلى من السكر لو تذوقه..

بأيديني القمك.. تنثرني وانا الملمك..

اسهر لو يجيك البرد..

او تشكي صداعك لي ..

بكل مرة تقول: تعبان..

احس امراضك انها بي ..!!



حبيبي ..

والله احبك..

بُعد هذا المدى وربي ..

ولو في شيء أبعد..

بيركض له نبض قلبي..

وربي فيك مجنونة..

لاتسألني..

بعدك اش صار في ((قلبي)) ولا وشّ لونه؟؟

ذبح عيني بدمعاته ويحسب انها عيونه. .

واقول له :

بس لاتبكي . .

يقول لي :

مااقدر بدونه ..!!

تعاال















71

_خالد القصيد..فاطمة

اسجنّك فيني و أركض فيك صوبي

لك حبيبي التجي هناك و هنيّا

ياكبر حبك و كثرك في دروبي

كل ما و ليت و جهي شفت ضيّا

يالله امطر لي «غلا» هالثوب ثوبي

و انا بدلّع و ليك ازدادُ غيّا

الدلع جنبي له الوجه الشحوبي

لا لمحته فز لي و دق التحيّا

و الله لو آمر على أرض الجنوبي

ينسحب لي تارك أشجاره تفيّا

و انت كلك جيت أر ضن بي تذوبي

ودامي أحييتك يصير الملك ليّا

فتش من الصبح لي وقت الغروبي

من هو مثلي بالعيون النرجسيّا



و قلهم كلي إذا هب الهبوبي أتناثر لك محبه و جاذبيّا قل غروري طاغين لا عذربوبي وأنا بضحك لك و تغمز لك عِنيّا وأنا بضحك لك و تغمز لك عِنيّا أدري موت تموت فيني و بعيوبي و تدريموت أموت فيك اكثر شويّا





















أشرب احساسك ظلام و تشرب عيوني دروب و اتناثر لك عذاب و فيني جرحك سرمدي كنت اشدك اب/ يديني و الأمل باطراف ثوب رحت عنى و المصيبه ، راحت ابثوبك يدى ليه جريت المدينه و انت و جهاتك هر و ب ؟! ليه تترك لي بقايا موحشه وعالم ردي ..؟! ليه تهجرني و ترحل؟ انت تدري فيك اذوب ليه تسلبني حياتي . . تذبح بعيني اسعدي؟! اكسب ابيمناك اجر بخافقي "مرّه و تـوب ناظر ابعینك جروحي نزفها توه نـدي ليه تركلني و تملي كتفك الايسر ذنوب ؟! و انا من قدمت عمري لـك "قر ابير، و هـدّي و الله انبي كنت احب و ما احسك بالقلوب غير طفل ما ولدته "بس "شافوك اولـدي

 \bigoplus





اغمض عيوني عليك ، اموت لا هب الهبوب خاف لا يوجعكشي وانتساكن بجسدي جيت ادور بك أماني في مساحات الحروب ليه مامديت كفك مثل فارس واجودي؟! قفّلة ايدينك لبابك جرعت وجهي شحوب علمتني وش تقول الارصفه لرجل تعدي شفت رسم الذل يتشكل على وجهمغلوب؟! شفت رسم الذل يتشكل على و جهمغلوب؟! للغياب المر برحل شمس في حزة غروب وانت تبقى لك قصايد مع رصيدي الابجدي باكر بتذكر الإنّه مرتك" ريح الجنوب

كم خسرته "قلبي اللي كان عشقك مرتدي











79

_خالد القصيد..فاطمة



حَبِيبِي لَكُ ثلاث ايّام . . تُقُولْ لَّنِي . . يا دَفَا بَرْ دَان؟ و أَبْلَع غصّتي وَ اضْحَكْ و اقُولْ إي وَ الله بَرْ دَانَه مضَغْت أَحْزَ انْ هَالدُّنْيَاعَشَانَ الدَّمْعَه لكْ مَاتْبَان و أنَا مَوتى أَشُوفُ ابُوي مسَجّى وَسْط أَكْفَانه! لَحته بَالحلمْ مَيّت . . وَاحَاوِلْ أَنْزَعَ الأَكْفَان . . !! وكلْ مَا اوْقَفْ عَلَى حَيلي أَطيح بْحَدجتْمَانه أُبُوي أُبُوي وَ أَنَا أُصْرَخْ بْتَقْدَر تَدْفنه يَا فْلاَن ..؟ بتقْدَر . . تَتْركه بَالقَبْرُ وحيد و مَرْمي ابْخَانه؟ و قمْت منَ الحلمْ فَجْراً . عَلى "حَيّ "منَ الآذان كَأَنَّ الدَّمْعُ منْ هَمِّي هَرَبْ منْ مَعْجَرَ أَعْيَانه ..! تُوَضّيت و بَعَدْ فَرْضي . . جَلَسْت اقْرَأْمنَ القُرْآن وَاحسّه جَالس ابْجَنْبي . يتَابعْ خَطّ . قُرْآنه! تذكّرْته وهُ و يَقْرَأ بصَوته سُورةَ الإنْسَان ..!! و رَبّي تَدْمَع عْيُونِي لَرَتّلْهَا من . . لْسَانِه . !!

(1)





تصدق يَاحمُو دإنّي أُعَرْ فإنْ كَانْ هُو جَوعَان قَبِلْ لا يَنْطَق بْحَاجَه .. أَعَرْفه بْكِل أَلْوَانه ..!! ودَايم جَالْسَه جَنْبه . يسَولفْ لي عَنَ اللَّي كَان . .!! عَنَ ازْمَان مضَتْ /رَاحَتْ ويتْنَهِّدْمَنَ أُحْزَانه و يتْحَدّاني " بالكَيْرَم " يقلْ لي تخْسرين رْهَان أَتُّكَدّى . . أُغشّ / آفُوز . . يقُلْ لَّنِي "أُوفْ" شَيطَانه و أَضْحَكْ ضحْكةَ الفَايزْ و اقُلْ لَّه وَي يَاخَسْرَ ااااان ويَرْميني بْبَعَضْ أَشْيَاء . . و يَصْرَخْ بَي يَا تَعْبَانه . . ! إِذَا دَارَتْ عَلَى دنْيَاي كَذَا واجْتَمْعَتَ الأُحْزَان أُميل انْكُبِّ منْ حزْني وأتْقَاطَرْ بْفنْجَانه كذَا يَحْويني بْحضْنه و يغْنيني عَن الأَحْضَان و أنَّا ألْعَنْ أَبُو الدُّنْيَا لِصرْت آنَامْ بَحْضَانه صَحيح إَنَّى معى رَجْل و قبيله كلُّها إخْوَان وَلَكنّه مكان الشّيخ مَا يْغَطّيه . . ورْعَانه . . !!

 \bigoplus

(



أَنَامِنْ كُنْت بَالتَّسْعَه سْنين.. و مِنّها لَـ الآن.!! أَمَرّ بْغُرْفِتَه بَاللّيل وَ انَاظِر فيه.. وَ لْهَانه..!! أَغَطّيه.. و أَقَبّلُه وْ أَخَاااف يْكُون بَسْ تَعْبَان و إِذَا حَسّيتَه يَتْنَفّسْ.. أَرِد آنَام فَرْحَااااانه..!! صَحِيح إِنّ الشّقَاوَة بِي و فيني نَزْعَة الشّيْطَان و لا أَسْمَعْ كَلامه دَوم.. و حُبّه مْزَوِّده جْنَانه..!! ولكني خَفَضْت النّالُو الرّحْمَه إليه جِنْحَان دعَيتَ الله يَبْقَى لِي و اعيش بْظل جِنْحَانه.!! أنَامِنْ لِي ثَلاث شُهُور .. أَقُول اسْمَ الوَلَدُ سلْطَان و لكنّه تَغَيّر صَار "عَبْدَ الله "عَلَشَانه



MoshBook.indd 82










83

__خالد القصيد..فاطمة



و أتذكر بأني كنت بك أحلى ..!! و أنك كنت (بي) أجمل .. و أتذكر و أتذكر صبي و بنت .. أقول أشياء .. ما يفهمها إلا أنت تطق .. طقه على بابي .. و أجيك أركض من غيابي

قبل تزعل ..!! أخاف من الزعل ياخذك " ماترجع

أخاف تروح و تتركني بك اتوجع

تجي عيوني أبحضن عينك و أضحك لك قبل تدمع ..!!





 \bigoplus

- و تهمس لي :
- العصر وينك ..؟!
- كذا تنسين موعدنا .. تعالى .. سددي دينك ، أبي ..
 - بوسه!!
 - يا عمي روح يا التعبان
 - أنا زعلان
 - كذا يعني
 - بدل ما تقول لي : وش فيك ..؟
 - بدل ما تقول لي : ولهان ..!!
- تجي تعتب و لاكنك .. سمعت بيوم عن ظرفاً يشل انسان
 - حبيبي . . لو بيدي شي . . ما خليك لو لحظه !
 - أنا اليائس و في أيدينك كأنه لاقين حظه . .
 - و اسمع صوت ..
 - روح الحين ..!!



بعدين المعاتب .. زين ..؟!

تقولي: زين!

و اصك الباب ...

و احس أن الفضا مليان قلوب أحباب

أدور .. يلف حولي الكون .. و يتكوم على خصري

و يعشب ورد ..

يفوح العطر ..

و عصفور (بقفص صدري)

و الاقي أمي تناظرني ..

– (يا بنتي أشفيك ؟!)

أقول : ((قليّبي يوجعني))

و تضحك لي قبل تدعي .. تقول : الله لا يشفيك ..!!

لذيذ الحب يا يمه مثل قلبك

مثل ريحان يا يمه .. تركتي ريحته بدربك





مثل سجداتك انفاسك مثل احساسك و طهرك لا صليتي الربك لذيذ الحب يا يمه

– فصل ثاني –

مشهد أول

في الشباك .. رسالة منه

اخطفها ..!!

تركها مثل ما نترك امانينا لوجه الريح .. أمد ايدي و

في اول سطر .. مكتوب الحبيبه (فا ..)

 Ψ



صباح الطهريا قلبي صباح الماء

صباح اللي إذا غنت . . من البحه أنا اتبعثر و تتبعثر كثير

اشياء

سهرت البارح أبعينك . . على صوتك أغنى لك ، فتحت

بقلبي لك شباك .. ستاير له مناديلك

و رتبت أبوسط روحي ...

كراسي

و طاوله

و اشياء

و قصيدة حب كاتبها .. وقلت العينك الاهداء


يا أول بنت تعبرني ..

يا أخر بنت تبهرني أنا « الميت الين تجين . . يصير أسمي

مع الاحياء!







و اتذكر ...

بأن الشاي في صوتك يذوب سكر سكوتك ..!

تناديني و لك اطير من الاعماق ..

ثواني بس من غيبتك تنورس فيني الاشواق ..!!

ياااهيه اشتاق . . لو عينك تلف شوي

یاهیه احتاج مثل حاجة ظلام لـ ضي

انا و الله من دونك احس كني .. و لا اي شي

مثل غيمه و بعدك صيف

سماء جفت و لا به مي

مثل رحلة بدون دروب .. هجير الوقت و انت في

















ايه يكفى . .

لابغيت تشوف (حتفي).

اسكب بعيني حضورك ثم (قفتي)

وان جثيت قبال صدك . .

لا ترد (تهّز) كتـفي والله يكفي

تغرس ايدينك بصدري

تنزعك من وسط قلبي كان ودك بك تسافر

تكفى (الاتنساك جنبي)

انا في لحظة جنوني

كسرت وجهي المرايا

خذ طيوفك عن عيوني خلني وحدي معايا



خلني مابين بيني أحترق وحدي بأنيني وش يهمك من دموعي (دامها هـ/العين عيني) ؟! سااااافر لأبعد مدى خذ معاك احلام حبك انسني وحدي هنا وانا بنزع من جروحي و جه بو حي وارسمه جملة قصايد وأمسحه جملة قصايد وارجع اتأمل جموحي واتزاني

وباس روحي



وان (عاااادي)عندي بعدك لو هو بالاحلام كايد واني اقدر لو بغيت انتزع من روح روحي وأن (عااااادي) لو نويت انثر الملح بجروحي بس . . يكفي كافي اتكسر لعينك وانت (اعمى) ليه اشعل لك فؤادي وكل نور ٍ في عبوري تلمحه مليون ظلما ليه (امطر) من حناني وانت تهديني (الجفاف)





(وين القابك اماني وانا من ظلك اخاف) ياللي في اكوام ظلمك ضاع عدلك . . لاتصدق لو بكيتك انا اشعلت بدفاتر ذكرياتك واختنقت بكل ذكرى ما سمعتك من رحلت بذكرياتي من رحلت بذكرياتي كلمه حلوه وما آتذكر غير طعنه

بالظهر بالحيل مره

تعشب الاهات منها

حتى انساك و نسيتك



وتنحفر فيها مقابر ومن وجعها يموت منها الف شاعر وتندفن فيها مشاعر بس يكفي













أشرعني لعين الريح .. و تعبرني ! تسلل في مدى جوفي و تأسرني أنا هارب من أنفاقي أنا فارغ من أعماقي ! أخلل فيني .. أيديني و أنزعني و أرميني

لوجه الشمس تحرقني و أموت

أناديني ..!

لاشفت أيديني تجذبني بترميني

أحاول " أقنع " بروحي

و تسبقني ... لـ أيديني ..!

كأن الموت عاشقها و لجل الموت .. تعفيني ...

من أني أتعذب جد





من أني أنكوي بالصد من أني أعبر الدنيا و لا أشعر [بأني حد]..!! أفكر مره أقلبني و أتجدد يصير .. الطين بالأعماق متبلد! و روحي حول طيني " جلد .. و اركض ..

بالبياض اللي يغطيني

تغيب الدنيا عن عيني و في عيني و يلمسني سحاب الله !

و استشرف وجيه الناس من عالي و أحس أني | الشهيد الحي

> أنا لحالي! أفكر .. لحظه في نفسي



للحظه أعبر .. أبالي .

يا ركني

يا القصىي .. ويني ؟!

طهر ((مريم)) غدا ديني

تحاصرني ظنون الغير

و تزرع غصتي فيني!

أدور منهو الأصدق .. لا جيت انطق ؟!

و أحس أن البشر أفلاك

و أنا بهذا الفلك أغرق! و أصوم

أصوم عن الكلام اللي

يدس بداخلي .. غمه

كأنه طفل " متمرد

100

و انا لهذا الطفل عمه!



يعذبني و غصب أرعاه أسيل من عروقي دم و يشرب دمي كنه ماه و يكبر فيني و يكبر فيني و يكبر وحي يمد أيدينه أبروحي و ينزعها و يرميني لوجه الشمس .. تحرقنا و نموت .



















يا بنت الغدر يا طعنة مخصصه للظهر تعالي وارسمي حزني سفينة غارقة فيني تعالي بعثري بوحي و إذا حبيتي لميني تعالي اتركى الطعنه بظهري ثم غنيني ..!! و أنا بضحك بشهقات الألم و أبكي على طير حسبته لي أنا وحدي و آثاري .. كل ما مرت يدين تبعثر بريشه إلين تورط بزيفه ..!!

و طااااح من السماء عاري ..!!

يا بنت الغدر

يا "عقرب" .. رمل

و إذا حبينا "للصحراء" تكوني أهل ..!!

رجيتك

لا تسمين الطيور اللي على بابك

و لو كانوا ما هم أحباب ..!

عديهم من أحبابك ..!

رقصيهم . . بإيقاع الحريق. . اللي

يفوح بريحة ترابك ..!!

أبي يكبر بعينك لين

تضايق منه أهدابك ..!!

يا بنت الغدر

ترى السكين ما طاحت





ما بين كتوفي ارتاحت ..!! و أنت الدمعة المرسومة بعيوني كل ما جيت أبنثرها تشدها لفووووق اشطوني و أسافر .. في مهب الريح مع حزن رفض بي يطيح أقاوم شدة التيار ببعض الحب و فيني ناااار و حزن قتال .. ما يرضى يكون إلا حزن قتال يابنت الغدر تعبت أتكسر و أبني .. سنين حالي بالحالي تعبت أقاوم أشباح السواد





بصبح انفاسي و اقول لنفسي هو غالي

تعبت اصرخ ..

و لا يسمع أحد صوتي

سوى صمتي

و صورة في ركن خالي ..!! يا بنت الغدر

انا منفية من دنيا

و لا اعرف و جهة الإسفار

أتوه بعالم " أتخــبثن "

رهينة لعبة الأقدار ..!! و لا ادري كيف أبين .. لك

بأني بنت .. أموت إلفين مره بيوم ..!!

و كل ما أصحى من موتي

 \bigoplus





أعيش بسكرة سكوتي ..!! تضيق الدينا بوجودي و أحس أنفاسي تخنقني .. و أبي موتى ..!! يا بنت الغدر ... وجع هذا العذاب اللي .. سكن قلبي من أسبابك إذا كان الغدر شيمه ترى هـ الشيمة تزهابك أنا مااوعد ..!! و لكن قد .. ما أقدر بحاول ألبس ثيابك و أحاول قد ما أقدر يكون اسمى من أصحابك ..!!

يا بنت الغدر

تعالي لوني وجهي خريف اصفر

تعالي شكليني .. نقاط

بأخر صفحة الدفتر

أمانه ...

و أن لمحتيني ..!!

أبي جرحي تفتقينه ..

إلين الحزن بي يكبر

مابي أنسى

ما دام إني .. إنطعت ..

اليوم..

به اليله . . به الحظه

أبى أقسى ..





يا بنت الغدر تعلمنا كثير نحب إلين الحب دمرنا عزفنا نغمة الأحلام و غني فينا واقعنا ..!! مثل مجداف خانه موج أخر شئ تكسرنا

قلنا نحب ..

إلين الحب يصورنا عيون أطفال

قلنا نحب ..

إلين الحب يرجعنا أماني صغار أذوب قطعة الحلوي .. على لساني و أقول: (أحب) و لكن .. خانني المشوار

كبرنا قبل ما نوصل لأخر نقطة ..المشوار ..!!

















_خالد القصيد..فاطمة



تَرَى ما يحمل لسانه على كَتفه أبد رُجّال مصيبه كانك تشوف البطوله بشين إفعالك مصيبه أنَّك على سُود الفعايل بالغَبَاء تختال تظنّ إنّك مَلكت الغيم. . وحَدَّثُ واطي انْعَالك وش انتهْ قول لي بَس ايشْ حقير و تَافه و مُحْتال بليدو مُعدم و وَجْهك يلوّنْ غامق اظْلالك سكتّ وقلت أعَدّيها واعَرْف إنّي وسيعة بَال حليمة لا مَلاني الغيظْ . . و اتْرَفّع عن امْثَالك وشوفك حيلْ تتْمَادَى ويتْمَادَى مَعَاك انْـذال و أنا ما هَمّني و الله . . لا قَوْلك و لا انْذَالك أنا يا هيه ماني اللِّي تهمّه هرجةَ الدجّال و رجل ما سلم عرض النسّا منّه تَرى هالك يجي لك يوم.. تشوف الله و لا شيّن قباله حال و تعرضْ قائمةْ فعلكْ و تُوزَنْ جُملة اعمالك

 \bigcirc

MoshBook.indd 114





دعيت الله و أنا ابّيته و كانت قبْلته بقْبَال إذا جاتك "صحيفة سُوء" تذكّر واحضر ابّالك دعيته يرفع همُومي على الأحْزَان و الغِرْبَال و ياخذ صدمة فيني .. و يرْسيها على جَالك تشوف اقْرَب قريبَه لك تدمّر أجْمَل الآمَال تشوف اقْرَب قريبَه لك تدمّر أجْمَل الآمَال تشوف إنّ اليدين اللي عَطَيت .. بيومْ تغتالك تحس إنّ القَهر حَارِق.. يجي لك كلّ يوم بحَال و تَقْدَعُمن يدينه مُر.. و تشررَب نَفْس فِنْجَالك عشان اتْعَرف لو طَالتْ على الظّالِم كِثير ليَال عشان اتْعَرف لو طَالتْ على الظّالِم كِثير ليَال باهْ مَالك بالله مال ولويمْها باهْ مَالك بالله مال ولويمْها باهْ مَالك

 \bigoplus

















بعزك لين أحس أنى بحياتك جبتني لعيبه أبكسر راسك وخشمك . قبل لاتكسر العابك أنا مروا بي رجال(ن) عنيفه تولد الهيبه ماهبت أطلق شنب فيهم يجي ذااليوم و اهابك. . ؟! تضحكني يا ولد الناس . . و تحسبني مره سيبه و أنا لا ثارت الثورة ما تلقى وجهى بأحبابك أنا من ذقت طعم الغدر و التجريح و الغيب لا تستغرب . . إذا جيتك مرايا و رحت أغتابك أنا قبل الذيابه تقوم بسمى حالى الذيبه لانسي لو ما أنا اللذيبه / كلوا من لحمي ذيابك يرضّيك الردي يرميك و يمسّك طاري العيبه وترضى أردى خلق الله يجي له يوم و يعابك أنا و الله ما يرضيني تحلق فوقك " أذبيبه " غريبه كيف ترضابه يحلق فوقى أذبابك . . ؟!

 \bigoplus



كثير الهرج لي منك تساقط كنه مصيبه و كنت أداري و ربي كلام مني ما صابك ما هو خوفاً من عيونك و لكن خابره الطيبه اذانفسي حرقت نفسي تشمبثوبي أطيابك مثل عوده و حطوني .. بنار تشتعل خيبه و رغمها خيبتي فيهم بقى بي ظن يرجى بك عطيتك من عطر حالي و قلت أبدد الريب عطيتك ما بغيت إني أتعب حالي و اشقابك لكن لو أحس أنه بحياتك جبتني لعيبه

تأكدأني بالعببك قبل لاتبداب العابك

 \bigoplus













_خالد القصيد..فاطمة

حنين الغيم يمطر بي و يظهر بالغياب حضور

أنورس للمواني صبح .. اغني له اغانينا مدى أزرق و لمسة بنت اناملها تشع النور

و لحن الرحبنه يعشب بفيروزه اسامينا ولد في آخر اطراف الرصيف المتعب المهجور

يحط الورد ف اسمنته على نغمة خطاوينا دنى لون السما و انسل من غيم الفرح ممطور:

على كل الزهر رشه و ترتيله صحى فينا اقول اسمك و تنبت بالشفايف من غلاك زهور

تقول اسمي و لا ادري بصوتك وين يودينا لحن دوزن على اوتار الحناجر رقصته مبهور

يصب الحب من لونه ... بياضه في ايادينا مرج بحر العيون و لذة الصمت الشهي مخمور

يسنبل رعشتي ... يبني خدرها في مآقينا!



شفق يظهر على خدي و تمطر من جبيني عطور

و انفاسي تجي تركض من اللهفه به مانينا

يطيّر من قفص صدري فراش وينفلت عصفور

يضج الشوق في صدره بحر لمعانق المينا ..!

قصيدي بنسكب لجل الغياب و خاطر المكسور

و آمانه لا قراك اللي احبه .. علمه يجينا ..!













•





